

E vetmja rrugëdalje është ashpërsimi i masave



Përfaqësuesit e shumicës së re parlamentare , kleri i Kishës ortodokse serbe dhe një pjesë e punëtorëve shëndetësor me shembullin personal të mosrespektimit të masave të parapara dhe nxitja për një prani masive , kanë treguar pa përgjegjësi të madhe për shëndetin dhe jetën e qytetarëve, ka vlerësuar Trupi koordinues nacional. Nga ky trup kanë theksuar se pasojat e sjelljes së tillë në ditët në vijim do ta keqësojnë dukshëm situatën epidemiologjike , do të ngarkojnë edhe më tepër sistemin shëndetësor dhe do të rrezikojnë jetën e një numri të madh të qytetarëve. Në Mal të Zi, për shkak të ngjarjeve të fundit , mund të pritet rritje e numrit të rasteve të reja me koronavirus , ka deklaruar ndihmës drejtori i Institutit për shëndetin publik Senad Begiq , duke shtuar se respektimi i masave është zgjidhja e vetme nëse ndodh rritje e infektimeve të reja . Drejtori i spitalit të përgjithshëm në Tivar, Dragosllav Tomanoviq , ka kumtuar se në Mal të Zi janë të shtruar 271 pacientë kovid pozitiv , 60 prej të cilëve janë në Qendrën klinike të Malit të Zi.

